

故宮
珍
藏

宮
本
刊

寒

故宮博物院編

松

海南出版社

堂

全

集

故宮珍本叢刊第 588 冊清代詩文別集

故宮博物院編

寒松堂全集

海南出版社

圖書在版編目(CIP)數據

九思堂詩稿/(清)奕環撰. —影印本. —海口:海南出版社, 2000. 10

(故宮珍本叢刊)

本書與“九思堂詩稿續編/(清)奕環撰”等 27 種書合訂

ISBN 7-80645-748-8

I. 九… II. 奕… III. 文學—作品綜合集—中國—清代 IV. Z121.7

中國版本圖書館 CIP 數據核字(1999)第 68757 號

故宮珍本叢刊第 588 冊

清代詩文別集

寒松堂全集

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:32.5 印數:1-400 冊

ISBN 7-80645-748-8/Z·26

定價:1850 元(清代詩文別集 28 種共 11 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

寒松堂全集序

雲中魏環溪先生以
宿望重於朝端而性
特恬淡當先朝之末

寒松堂全集

序

一

年未及艾即退居林
壑若將終身焉今

上圖任舊人

詔起田間先生一出而

朝宁增重卽衛士爲

之手額余固久耳先

生名適於班行望見

顏色心識其爲當代

寒松堂全集

序

二

偉人喜與同列先生

亦過聽人言不我遐

棄恨締交之晚自是

我兩人遂相得益彰

凡在公退食言論風

指動如針芥之合而

居停又咫尺而近常

朝夕過從欸語移晷

寒松堂全集

序

三

莫知其倦蓋先生篤

志絕學余亦粗通章

句徃徃引經證傳劇

論深談雖就中不無

參互而商確旣當遂

亦銘諸肺腑間或盱

衡世務有所未愜於

衷則爲之相對歔歔

寒松堂全集

序

四

攢眉疾首大都兩人

一點血誠自分可以

對越而當世不知已

者乃至妄生猜忌橫

加詆排無難以前代
 僞學朋黨目之斯誠
 可爲長太息者也乃
 先生則畧無疑阻余
 亦堅執弗移敢曰特
 立獨行亦庶幾各安
 於義耳無何余果以
 僚友杓鑿蒙恩放

歸先生去住徬徨遭
 迴次且未幾亦乞休
 罷去蓋我兩人出處
 先後稍有不侔而遭
 遇升沈若合一轍斯
 亦大奇矣然余與先
 生雖同居林下南北
 相望有如天末卽聲

息無由而通迨余再
入國門而先生已即
世矣嗚乎悲哉今余
以衰耄病卧白門謝
絕人事先生之長公
一齋奉

寒松堂全集

序

七

簡命督學兩江既事竣
一日枉過荒齋握手

話舊出先生全集而
屬之序余受而讀之
數行未竟已不覺涕
泗交頤矣蓋先生之
文余諷誦已久不幸
生死異路迴隔多年
每回憶丰儀追維往
事曷勝悼感茲何幸

寒松堂全集

序

八

寒松堂全集

序

九

復交先生之令嗣讀
先生之全書又不啻
親炙光容接聞謦欬
收聲掩泪轉生一慰
矣目今長公清操雅
望蔚爲儒宗將來建
豎卓犖光大世業先
生有子矣余不特爲

寒松堂全集

序

十

先生慶且爲斯道慶
也抑余昏聵餘生學
殖濩落而長公見委
遂自忘固陋不禁縷
縷爲敘述余與先生
交遊知契之概以告
來茲先生有靈定爲
首肯矧余也自念旣

託在至交又徼倖後
死亦欲以生平甘苦
之辭少報故人於地
下非敢依附青雲翼

寒松堂全集

序

十一

牽連以不朽也至先
生造詣精純制行夸
峻洵無愧於古人而
其好學深思窮源達

委諸所建白實可施
行海內有目者豈不
能共知之尚俟鄙人
之嘵嘵喻說爲耶殆

寒松堂全集

序

三

必不然矣是爲序
康熙戊子秋日通家
侍教生潁川熊賜
履拜書於金陵之

序

三

1

詳奏事情月日姓名以便確議事疏

寒松堂全集 卷之一

蔚州魏象樞環溪著

奏疏 刑科 工科 刑科

刑科給事中臣魏象樞謹

題為蠲荒節荷

聖恩祈

勅速行榜示以普

皇仁事臣聞恤患救災

聖朝大政今歲各省災傷百姓之延頸望

恩已非一日我

寒松堂全集 奏疏 卷之一

皇上軫念民生即於疏

聞之日遣員查勘酌量蠲恤業已節次報部題覆矣

臣思地有近遠報有遲速其被災極重未經勘

報者想部臣自能速催核

請以杜明季徵後補還吏侵書兌之弊即今

明旨既下而自計部以及撫按自撫按以及道府州

縣上下咨移必非旦夕可達若不先張榜示使

小民共見共聞竊恐追呼之下徵收朦濶

德意遲留將

朝廷浩蕩之恩究不得實有沾被也伏祈

皇上勅下該部凡題覆災傷奉有

俞旨者其被災若干畝蠲免若干石多刊榜示速行

撫按懸掛通衢俾百姓共曉

皇仁倘地方官敢有違

旨剝民除撫按嚴効外容臣等確訪指叅庶混徵之

害可革而走險之萌可銷也謹題請

旨奉

聖旨戶部知道

寒松堂全集 奏疏 卷之一

刑科給事中臣魏象樞謹

題為摘叅劣撫徇縱順賊縣官藐法悞

國仰祈

聖明亟賜斥究以重節鉞以固封疆事臣惟

朝廷用人莫重於節鉞而撫臣盡職首事乎封疆封

疆所係雖撫臣與羣吏共之而清正率屬嚴肅

持法則專責之撫臣矣若安徽巡撫王懷蓋不

可一日容於地方者懷本庸流謬承重任負債

萬餘取償地方內外諸臣共聞共知豈可以

聖朝培植之疆土供不肖者償債之需耶臣有泪在

寒松堂全集 奏疏

卷之一

喉方期入

告通因辦事垣中見江南督臣馬國柱疏叅縣官

逆跡已著等事內稱東流知縣鄧繼球偽文迎

賊不忠不義業奉

嚴綸置以重典仰見我

皇上除奸誅逆法甚斷也臣從全疏中讀懷全咨見

其曲庇繼球語言悖謬大可駭異繼球為懷屬

吏移家出城懷所明知且搜回庫貯蘆課等銀

九百餘兩逆跡顯然誰敢諱之懷既不肯特疏

題叅又令照舊任事是為何心據懷云舍短取長

臣不知通賊盜庫之官更有何長而懷乃亟亟

取之乎尤可異者繼球獻銀三千金未經呈允

突解撫衙明是窺懷貪婪敢借助餉之名以通

暮夜之賄

天日在上將誰欺乎設懷心畏四知即當移會督按

嚴加提究何俟督臣有咨到懷懷始說出三千

金之獻又巧立一貯庫之名至其中誇許繼球

一則曰頗有能聲再則曰吏才頗稱將蓄謀不

軌包藏禍心之事始終不道一言懷欲自掩其

非不得不為繼球飾罪耳况撫臣責在封疆當

寒松堂全集 奏疏

卷之一

四

此逆賊未剪之際正宜嚴飭州縣効死固守如

懷所云家眷可行等語是率下以瓦全身家之

路而自免於失陷地方之咎獨不思封疆何地

可以賊至而逃賊去而返乎似此存心舉事目

無

國法臣恐徽池諸郡縣聞風效尤必至遇警者有

異心行賄者得故物貽禍封疆真可畏也

國家抑何利有此撫臣哉伏祈

勅部確議如果臣言不謬重治懷以藐法悞

國之罪庶封疆有幸貪劣知儆矣謹題請

旨奉

聖旨該部嚴察議奏

寒松堂全集

奏疏

卷之一

五

工科右給事中臣魏象樞謹

題為小民遷徙最艱

聖恩垂念已至仰體

皇仁陳管見以固

國本事臣聞太平之世以百姓樂業為第一事我皇上因輦轂之下滿漢雜處盜賊難稽

特諭商民人等盡徙南城復蒙

軫念遷移之苦限以來歲至寬也勞以搬銀至厚也

原房任民拆賣至便也民即至愚無不仰感

皇恩之浩蕩者但南城塊土地狹人稠今且以五城

寒松堂全集

奏疏

卷之一

六

之民居之賃買者苦於無房拆蓋者苦於無地嗟此窮民一屋莫必將寄妻孥於何處乎臣愚謂有地不患無房如城外閑地堪民營蓋者甚多因係官物莫敢問之此民之不苦於遷徙而反苦於居處也恭請

勅下該部盡察前三門外官地官房可為民居者許令量地輸銀給以印照俾作永業不得少有遺漏亦不得擅行混占則片址尺地皆成室家億萬戶棲止之謀即千萬年根本之計也抑臣更有請者民間賃買房屋原有定價近聞鬻房之

家任意增加高騰數倍勢必至罄家所有不足
以卜數椽之棲則遷者更多一苦矣併祈

天語申飭令該管地方等官槩平一價凡買者賣者

典者賃者各勿增減共相保恤庶比屋可封

國本永固矣微臣職列工垣聊獻葑菲伏惟

聖明採擇施行謹題請

旨奉

聖旨著工部督同五城御史察南城官地併民間無

房空地將遷徙官民好生安插

寒松堂全集

奏疏

卷之一

七

工科右給事中臣魏象樞謹

題爲

聖朝大禮旣行亟請更定會典以明職掌以懸

國制事臣惟古帝王創制立法代有因革亦代有

損益自唐虞以迄宋元典要具存即明朝之會

典亦不過法古而定制也我

國家定鼎五年禮樂大備法度維新

廟謨煌煌足垂萬禩乃有次第修舉萬不可缺者莫

如會典一書夫會典所載皆百臣奉行之政令

諸司分列之職掌即官禮諸制無不條悉其中

寒松堂全集

奏疏

卷之一

八

今各衙門亦旣倣而行之矣第參同酌異豈可

盡憑因時制宜不無更變未經

聖明之新裁終非昭代之令甲臣下何由遵守而罔

渝乎况往朝每代有變通之法我

朝創業無畫一之程非所以示臣工而重金石也伏

乞

皇上勅下該部先令各該衙門折衷前代參酌滿漢

確議詳明彙送內院裁定然後刪繁就簡編輯

成書恭請

欽命嘉名懸爲成憲庶臣工有秉式制度無紛更其

於治道非小補也謹題請

旨奉

聖旨該部知道

寒松堂全集

奏疏

卷之一

九

工科右給事中臣魏象樞謹

題爲擅殺屢有明禁有司悖

旨專行祈

勅嚴究以彰

國法事臣惟我

皇上好生如天愛民如子內外臣工各宜恪承

德意乃臣近訪得牧民之官有殺人鬪人不經

題奏恣意擅行人人共知者敢指名爲

皇上陳之如山東平陰縣知縣王國柱縣衙副死兼

殺死生員牛射斗等民高棟等數人臣心竊疑

寒松堂全集

奏疏

卷之一

十

之若果係窩盜通賊何未聞

奏請處決若託稱臨陣斬獲何未見捷功塘報事

犯極刑自有

國律副殺之權不在縣官况擅殺之奉

嚴禁已非一日前撫臣土國寶獲內地之奸一疏

奉有內奸與在陣擒獲不同宜嚴審固禁馳奏

候

旨何得擅殺之

旨矣丁文盛悖

旨擅殺一疏奉有崔似驪背

旨擅殺好生可惡嚴究擬罪之

旨矣按臣鄧孕槐背律專殺一疏曾經部覆奉有楊胤昌革職提問之

旨矣夫撫臣不得擅殺則縣官可知似駟胤昌俱經提問則國柱何辭臣職司耳目若憚風聞之罪緘口不言誠恐司牧之官人人效尤藐視

上旨草菅民命非所以仰體我皇上好生愛民之心也伏祈

勅下該撫按嚴究國柱所殺數命果否重情未殺未副之先曾否詳允生員牛射斗等罪狀果否申

奏

卷之一

十一

報學臣黜名國柱不遵屢

旨應否治罪再望

天語申飭以戒將來庶足昭

國法而廣

皇仁也謹題請

旨奉

聖旨王國柱擅殺事情著該督撫按確察嚴究具奏

該部知道

刑科左給事中臣魏象樞謹

題為督撫之訪糾疊見道府之徇縱難寬恭請

聖明立法處分以清吏治本源事臣惟察吏莫重於舉劾舉劾莫嚴於開報

朝廷既以舉劾責之督撫按而督撫按即以開報責之道府廳蓋因各屬州縣相去甚近聞見亦最真或賢或否一舉一動無有不知者孰意不肖有司專以私情厚賄密結賞緣恣意貪污全為遮蓋甚至同城共處穢蹟彰聞而道府反指為循良督撫按不掛之白簡顛倒賢否縱容有司莫此為甚况開報係道府職掌奉有

奏

卷之一

主

俞旨臣垣中屢見督撫有自行訪糾者如督臣張存仁有婪令被訐賍真之疏督臣陳錦有文武結黨貪橫之疏撫臣劉弘遇有特糾貪婪之疏所叅皆異常貪惡賍私累累而道府全無開報臣不知其職掌何事乎假如督撫少一番體訪而道府必多一層蒙蔽又安望其正已率屬為民除害耶

聖諭所謂大貪大惡反多徇縱坐此弊者居多耳伏皇上親臨大政察吏必嚴近讀

上傳有開報不實察究舉奏之

旨從前積弊已在

聖明洞徹中臣謂督撫訪叅而全無開報則容隱瞻徇之弊更有甚於開報不實者臣請自今為始凡督撫按叅劾官員果係道府廳真實開報者公而且明克盡厥職如督撫按自訪特糾本內未註開報字樣者道府廳以溺職論罪或督撫按指名糾舉或吏部據疏處分如被叅之官原係浮躁昏庸其罪在不明以降罰處之如被叅之官原係奸惡貪虐其罪在不公以革職處之

寒松堂全集

奏疏

卷之一

三

此法一行庶道府諸臣上畏

朝廷之功令下愛自已之功名開報無不公慎且督撫按諸臣各有採訪各有特叅亦不得借口開報反以叅劾之權盡委道府主張也提綱挈領大法小廉吏治從此一清矣如臣言不謬伏乞勅下該部院確議嚴飭施行謹題請

旨奉

聖旨該部院確議具奏

刑科左給事中臣魏象樞謹

題為請定藩司會計奏報之法以明錢糧以嚴覺

察以足

國用事臣惟國家首重戶口次重財賦蓋民之膏血國之命脉所係也我

朝定鼎以來錢糧總歸戶部於順治七年內會議仍歸各衙門其銷算

奏請遵

旨舉行者臣不敢復贅矣臣思在內之錢糧乃部臣掌其所出在外之錢糧乃藩司掌其所入一絲

寒松堂全集

奏疏

卷之一

十四

一粒俱當上告

君父者前此部臣既無

奏報而藩臣歲報之冊曾否到部亦未知其有無扶同並未見其作何叅駁待至七年之久稽核尚無頭緒總由所入之數不清故所出之數亦不明也夫欲令各部之銷算徹底清楚先令各省之錢糧逐款奏

聞臣請自八年為始各省布政司官於每歲終會計通省應徵錢糧若干應解某衙門錢糧若干起運若干存留若干支發若干蠲免若干拖欠若